

ତୀତସଙ୍କ ନିକଟକୁ ପାଉଲଙ୍କ ପତ୍ର **ତୀତସ୍ତେ ବକେତ୍ ପାଉଲ୍‌ତେ ଚିତି** **ତୀତସ୍ ବଇ ବିଷୟତେ ଅଣ୍ଟୟ ପଦ୍**

ପାଉଲ୍‌ତେ ନାଲୁ ଚିତିନ୍ ଲୋପେଙ୍କ ତୀତସ୍ ବଇ ଅଣ୍ଟୟ । ବେଦ୍ ଅଣ୍ଟୟ ମଣ୍ଡଲି ବାଦ୍‌ଲେ ଝେରଣ୍ ନାରୁଙ୍କ ପରିଚୟ୍ ଇଦ୍‌ତେ । ବାଗାଡ୍ ମୁଣ୍ଡ ଚିତି ଆଦୁତେ, ପ୍ରତମ୍ ତୀମତି, ଦ୍ଵିତିୟ୍ ତୀମତି ନୁ ଫିଲିମୋନ୍ । ପାଉଲ୍ ତୀତସ୍‌ତିଙ୍କ ଲେକ୍‌ତଣ୍ ଯେ, ଅଣ୍ଟ ବେଲା ସାରେତଡ୍ ମୁନ୍‌ନେ ଗାଟି ଲେଙ୍କଦେ ଇଦ୍ ଚିତି କାର୍‌ତିତଣ୍ । ପ୍ରେରିଡ୍ ଲେକାମ୍ ଅନାଦ୍ ଯୋଗ୍ୟତା ବିଷୟ୍ ବୁଜାମାଡ୍‌ତିତଣ୍ । ଇଦ୍ ବେସ୍‌ନାଗ୍ ତୀତସ୍ ମୁନେଙ୍କ ପୁଡ୍‌ତଣ୍ । ଆଦ୍‌ପାର୍‌ତେ କ୍ରିଷ୍ଟନ୍ ଜନମ୍‌ତେ ୬୩ ତାଗାଙ୍କ ୬୫ ଲୋପେ ପାଉଲ୍ ଇଦ୍ ଚିତି ଲେକିମାନ୍‌ତଣ୍ ।

ପାଉଲ୍ କ୍ରିତି ଦ୍ଵୀପତାଗ୍ ମାନ୍ଦାନ୍ ମଣ୍ଡଲିକିଙ୍କ ତାଲେମ୍ ମାଡାନଙ୍କ ତୀତସ୍‌ତିଙ୍କ ନିର୍ଦ୍ଦେଶ୍ ଇଦ୍‌ତଣ୍ । ଆସ୍ତ୍ର ସାମାନ୍ ଶିକ୍ଷା ତୀମତିଙ୍କ ମିକା ଇଡ୍‌ତନ୍ । ପାଉଲ୍ ଇଦ୍ ଚିତିତାଗ୍ ତୀତସ୍‌ତିଙ୍କ ମଣ୍ଡଲିତେ ମୁକ୍ୟାଲଡ୍‌କ୍ ଏଞ୍ଜାନଙ୍କ ନୁ ତାଲିମ୍ ଇଦାନ୍ ବିଷୟ୍‌ତେ ଲେକିତଣ୍ । ଇଞ୍ଜେଡ୍ ମଣ୍ଡଲି ନୁ ମଣ୍ଡଲିତେ ନେତାଲଡ୍‌କ୍ ଶାସନ୍ ମାଡାନ୍ ସେଙ୍ଗେ ଇଶ୍ଵରତେ ଇଚ୍ଛା ଲେକାମ୍ ବେନ୍ ରକମ୍ ଯୋଗ୍ୟତା ଆଦାନାଦ୍ ଦରକାର୍ ଜତନ୍ ତଡ୍‌ମାନ୍ ଇଦାନ୍ ଲେକାମ୍, ଆଦ୍ ଚିତିତାଗ୍ ତିଆର୍ ମାଡ୍‌ତିତନ୍ ।

ବଇତ୍ ଲୋପେ ମାନ୍ଦାନ୍ ମୁକ୍ୟ ବିଷୟ୍

୧. ପାଉଲ୍ ତୀତସ୍‌ତିଙ୍କ ଦାର୍ମାମ୍ ନାରୁଡ୍‌କ୍ ଏଞ୍ଜାନ ସେଙ୍ଗେ ନିର୍ଦ୍ଦେସନା ଇଦ୍‌ତଣ୍ । ୧:୧-୧୬
୨. ତାନ୍‌ପେକେ ଅଣ୍ଟ ଗାଲା ନାରୁଡ୍‌କିଙ୍କ ଦାର୍ମାମ୍ ଜିଝୁଣ୍ ବାଦ୍‌କାନଙ୍କ, ବେଦ୍ ଇଶ୍ଵରତିଙ୍କ ସାର୍‌ଦେ ମାଡ୍‌ତିଡ୍, ଆଦ୍ ବିଷୟ୍‌ତେ ତାଲିମ୍ ଇଦାନଙ୍କ ନିର୍ଦ୍ଦେସନା ଇଦ୍‌ତଣ୍ । ୨:୧-୩:୧୧
୩. ମାଡେଙ୍କ୍ ପାଉଲ୍ ତାନ୍ ମାଡେଙ୍କ୍‌ତାଦ୍ ଗଟ୍ କେସ୍ ତେରସ୍ତିତଣ୍ । ୩:୧୨-୧୫

୧ ନାନ୍ ପାଉଲ୍, ଇଶ୍ବରତେ ଦାସ ନୁ ଜିସୁ କ୍ରିଷ୍ଟନ୍ ରହତେନଶ୍ ପ୍ରେରିତଶିଷ୍ୟ, ତୀତସ୍ତେ ବକେଡ୍ ଲେକ୍ତାନ । ଇଶ୍ବର ଏଞ୍ଜେତେ ନାରୁଡାଦ୍ ବିଶ୍ବାସତିଙ୍କ୍ ନାର୍ ମାଡାନଙ୍କ୍ ନୁ ମାନ୍ ଦର୍ମବିଶ୍ବାସତାଦ୍ ସତ୍ତିଙ୍କ୍ ଅଡକିଂଙ୍କ୍ ସତେତନ୍ ମାଡାନଙ୍କ୍ ନାନ୍ ହେଞ୍ଜିମାନ୍ଦାନ୍ ଆସ୍ମିନ୍ଦେନ୍ ।

୨ ବେଦ୍ ସାରେଦିନାଡ୍ ଜିଝୁଶ୍ ପାଏମ୍ ଆଦ୍ଦାନ୍ ଆଶେଡ୍ ପରର ଆଦାରିଡ୍ । ଇଶ୍ବର ମିତ୍ୟାବାଦୀ ଆୟ୍ଯଶ୍ ।

୩ ଟିକ୍ ସମୟତେ ଅଶ୍ ଇଦ୍ ଗର୍ କେଡ୍ତଶ୍ । ମାନ୍ ମୁକ୍ତିଦାତାଲ୍ ଇଶ୍ବରତେ ଆଦେଶ୍ତଡ୍ ଇଦ୍ କେଡାନଙ୍କ୍ ନାକିଂଙ୍କ୍ ଦାୟିତ ଇଡ୍ତଡ୍ ।

୪ ☆ତୀତସ ନା ସାମାନ୍ ବିଶ୍ବାସତେ ମାର୍, ବାବାଲ୍ ଇଶ୍ବର ନୁ ବ୍ରାଣକର୍ତ୍ତାଲ୍ ଜିସୁ କ୍ରିଷ୍ଟନ୍ ମିକିଂଙ୍କ୍ ଅନୁଗ୍ରହ ନୁ ଶାନ୍ତି ଇଞ୍ଜିଶ୍ ।

କ୍ରିଟାଗ୍ ତିତସ୍ତେ ପାଡ୍ଯି

୫ ସାରେ ଆୟ୍ଯେ ପାଡ୍ଯି ସାରେ ମାଡାନଙ୍କ୍, ମେଣ୍ଟେ ନାଝାଦ୍ ଗର୍ ଲେକାମ୍ତେ ସାରେ ଟାଝୁନକିନାଗ୍ ମଣ୍ଡଲି ମୁକ୍ୟାଲଡକିଂଙ୍କ୍ ଏଞ୍ଜାନଙ୍କ୍ ନାନ୍ ନିକିଂଙ୍କ୍ କ୍ରୀଟାଗ୍ ଝିଡ୍ଯି ଝାଡ୍ତାନ୍; ନାୟାଦ୍ ଶିକ୍ଷାତିଙ୍କ୍ ଏକା ମାଡାଟ୍;

୬ ☆ଝେରଶ୍ ମଣ୍ଡଲିଡ୍ ନେତାଲ୍ ଆଦାନ୍ ସେଙ୍ଗେ ନିର୍ଦୋଷ୍, ବେନ୍ ନାରୁଡ୍ ଦକ୍ଷି ଆୟ୍ଯଶ୍ ନୁ ଝେରଡ୍ ମୁତେନ୍ ମୁଦ୍ପାଲ୍, ବେନ ମାରକ୍ ବିଶ୍ବାସି ମାନ୍ତଡ୍ ନୁ ବେସୁର୍ ବା କାରାପ୍ ବ୍ୟବହାର୍ ମାଡ୍ଡକି ମୁର୍ଜ୍ ଆୟ୍ଯଡ୍, ଅଡକିଂଙ୍କ୍ ଏଞ୍ଜାଟ୍ ।

୭ ବାତେଙ୍କ୍ ଇଡକେ ଦର୍ମଗୁରୁ, ଇଶ୍ବରତେ ନିୟମ୍ ଲେକାମ୍ତେ ନିର୍ଦୋଷ୍ ଆସ୍ ମାନ୍ଦାନ୍ ଦରକାର୍; ଅଶ୍ ନିଜେଡ୍ ଇଚ୍ଛାତେ ପାଡ୍ଯି ମାଡମାନ୍ତଶ୍ କି କପାମ୍ କି କାଲ୍ ଉନ୍ଦାନଶ୍ କି ଗଲ୍କିନଶ୍ କି ଦନ୍ ଲବି ଆୟ୍ଯେ ମାନ୍ତଶ୍ ।

୮ ବାତେଙ୍କ୍ ଇଡକେ ଅଶ୍ ଅତିତିପ୍ରିୟ ଆସ୍ ମାନ୍ତଶ୍, ସାୟେଡ୍ ବିଷୟତେ ଅନ୍ରଗ୍, ସାୟେଡ୍ ବୁଦି, ନ୍ୟାୟ ଚିନ୍ତେତଶ୍, ସାଦୁ ନାରୁଡ୍, ନୁ ଲେକାମ୍ ବ୍ୟବହାର୍ ମାଡାନଶ୍ ଆୟ୍ଯିଶ୍,

୯ ମେଣ୍ଡେ ଅଣ୍ଟ ବେଲା ସାୟେଡ଼ ଶିକ୍ଷା ଇସ୍ ସାରଦେ ମାଡ଼ିତନ୍ ନୁ ବିରୁଦ୍ ମାଡ଼ାନଡ଼ିକିଂଙ୍କ ବୁଜା ମାଡ଼ିତନ୍, ଇଦିନ୍ ସେଙ୍ଗେ ଦରକ୍ତେ ଶିକ୍ଷା ଲେକାମ୍ତେ ବିଶ୍ୱାସ୍ତେ ଗର୍ଡ଼ିଙ୍କ ଗାଡ଼ସ୍ ଆସ୍ ପୟମ୍ବୁର୍ ।

୧୦ ବାତେଙ୍କ ଇଡ଼କେ ନାରଗେ ନିଜାମ୍ କ୍ରିଷ୍ଟ ଦର୍ମ ଗ୍ରହନ୍ ମାଡ଼ତେ ନାରୁଡ଼, ଲୋପେଙ୍କ ମୁର୍କ୍ ନାରୁଡ଼, ବୁସାଗଟି କେତାନଡ଼, ନୁ ତାଲାକି ମାଡ଼ାନଡ଼ି ମିୟେ, ଅଡ଼ ସୁନ୍ନଡ଼ ଆଡ଼ତେ ନାରୁଡ଼, ଲୋପେ ନାରଗେ ମିୟେ । ଅଡ଼ ତାମ୍ ଗଟିନ୍ ତଡ଼ ବାଗାତଡ଼ିଙ୍କ ନାରଗେ ପ୍ରତାରଣା ମାଡ଼ତୁଡ଼ ।

୧୧ ଅଡ଼ାଦ୍ ପାୟୁରଡ଼ିଙ୍କ ବନ୍ଦ ମାଡ଼ାନ ଦରକାର । ଅଡ଼ ଦନ୍ ପାଏମ୍ ଆଦାନ ସେଙ୍ଗେ ମିର୍ ଶିକ୍ଷା ଇସ୍ ଅଣ୍ଟୟ ପରିବାରଡ଼ିଙ୍କ ଆର୍ ପୁରାପୁରି ବୁଲ୍‌କା ମାଡ଼ିତଡ଼ ।

୧୨ ଅଡ଼ ଲୋପେଡ଼ ଝେରଣ୍ଡ, ଅଡ଼ ଜାତିତଣ୍ଡ ଝେରଣ୍ଡ ବାବବାଦି କେଡ଼ତଣ୍ଡ, କ୍ରିତି ନାଆରଦେନଡ଼ ସାରେଦାମ୍ ମିର୍ ଗଟିନଡ଼, ଇଂସା ଜିଝାକ୍ ଲେକାମ୍ ନୁ ମଣ୍ଡି ତରାଲଡ଼ ।

୧୩ ଅଡ଼ାଦ୍ ଇଦ୍ ସାକ୍ଷ୍ୟ ନିଜାମ୍ । ଆଦିଙ୍କ ଅଡ଼କିଂଙ୍କ ଗଲ୍ ଇମ୍ବୁର୍ ବେଲାକି ଅଡ଼ ବେଲା ଲେକାମ୍ ବିଶ୍ୱାସୀଡ଼ ଆଦତଡ଼ । ଇଡ଼ଦି ନାରୁଡ଼ କେଡ଼ତେ ଝେଷଡ଼ ମେଣ୍ଡେ ସତ୍ୟତାଗାଙ୍କ ମାଲ୍‌ସ୍ ମାନ୍ଦାନ୍ ନାରୁଡ଼ ଆଦତଡ଼ ।

୧୪ ମିଇ ଲୋପେଙ୍କ ବେନବେନ ଇହୁଦୀଡ଼ ଶିକ୍ଷାଡ଼ିଙ୍କ ନିଜାମ୍ ସଡ଼ ଗ୍ରହନ୍ ମାଡ଼ମାର୍ । ଆଦେଗଡ଼ିଙ୍କ ମାନ୍ ଇଝକଟ ବିଶ୍ୱାସ୍ତାଗ୍ ଗାଡ଼ସ୍ ଆଦତଡ଼, ଆଦିନ୍ ସେଙ୍ଗେ ଅଡ଼କିଂଙ୍କ ଗାଡ଼ସ୍ ମାଡ଼ାର୍ ।

୧୫ ପବିତ୍ର ନାରୁଡ଼ ସେଙ୍ଗେ ସାରରେ ସାୟେ; ବାତେଙ୍କ ଇଡ଼କେ କୁଲାଙ୍ଗାର ନୁ ଅବିଶ୍ୱାସୀ ନାରୁଡ଼ ସେଙ୍ଗେ ବାଆତେବା ବିଷୟ ସାୟେ ଆୟୁୟ, ଆଦିଙ୍କ ଅଡ଼ାଦ୍ ମନ୍ ନୁ ଚିନ୍ତେ ରେଣ୍ଡ ଆସ୍‌ସ କୁଲାଙ୍ଗାର ।

୧୬ ଅଡ଼ ଇଶ୍ୱରଡ଼ିଙ୍କ ପୁଡ଼ତଡ଼ ଇଞ୍ଜ ସ୍ୱୀକାର ମାଡ଼ିତଡ଼, ବାତେଙ୍କ ଇଡ଼କେ ଅଡ଼ ପାଡ଼ୟିତଡ଼ ଅଂକିଙ୍କ ଅସ୍ୱୀକାର ମାଡ଼ିତଡ଼; ଅଡ଼ ପାସ୍ତାନଡ଼ ନୁ ମୁର୍କ୍ ମେଣ୍ଡେ ସାରରେ ସାୟେ ପାଡ଼ୟିଡ଼ିଙ୍କ ଯୋଗ୍ୟ ଆୟୁୟଡ଼ ।

ସାୟେତ୍ ବିଷୟ ଶିକ୍ଷା

^୧ ବାତେଙ୍କ ଇଡକେ ମିଡ୍, ସାୟେତ୍ ଶିକ୍ଷାତାଗ୍ ଲେକାମ୍ ଗର୍ କେଲ୍ମୁର୍ ।

^୨ ଗାଟି ବୟସ୍ ନାରୁଡ଼କିଂଙ୍କ ଲେକାମ୍ ବ୍ୟବହାର, ଲେକାମ୍ ବିଚାର ନୁ ନିଜେତ୍ ପରର ବିଶ୍ୱାସ୍ ନେଃଏତାନଙ୍କ ଅନୁରୋଦ୍ ମାଡ଼ାଟ୍; ଅଡ୍, ତାମ୍ ବିଶ୍ୱାସ୍, ପ୍ରେମ୍ ନୁ ଗାଡ଼ସ୍ତାଗ୍ ଗାଡ଼ସ୍ ଆୟିଡ୍ ।

^୩ ଇଦରକମ୍ ଗାଟି ବୟସ୍ ନାଟାକିଂଙ୍କ ଲେକାମ୍ ଜିଃସ୍ତୁ ବାଦକାନଙ୍କ ଶିକ୍ଷା ଇମୁର୍ । ଆସ୍ତୁ ମେଣ୍ଡେ ଅଡକିଂଙ୍କ ନିୟେ ମାଡ଼ମାକି ନୁ କାଲ୍ ଉନ୍ମାକି, ସାୟେ ନୁ ସାୟେତ୍ ଶିକ୍ଷା ଇଦାନଙ୍କ ଅନୁରୋଦ୍ ମାଡ଼ାଟ୍ ।

^୪ ଆଲେକେ, ଇଶ୍ୱରତେ ବାକ୍ୟ ବେଲା ନିୟେ ଆୟିୟ, ଆଦିଙ୍କ ଆସ୍ତୁ ପିକିଙ୍କ ଲେକାମ୍ ଜିଃସ୍ତୁ ନୁ ମୁଦ୍ପାଲଡ଼କ୍ ପ୍ରେମ୍ ମାଡ଼ାନଙ୍କ ଶିକ୍ଷା ଇମୁର୍,

^୫ ଲେକାମ୍ ମାରମାୟାସ୍, ପୁର୍ସ୍ତାନଙ୍କ, ଲେକାମ୍ ବୁଦି, ସତି, ଲେକାମ୍ କଡ଼ୟାଡ୍, ନିଜେତ୍ ପରର ବିଶ୍ୱାସ୍ ନୁ ତାନ୍ ମୁଦ୍ପାନ୍ତଡ୍, ସାୟେ ମାନ୍ଦାନଙ୍କ ଶିକ୍ଷା ଇମୁର୍ । ଆଲେକେ, ବେନବା ଇଶ୍ୱରତେ ବାକ୍ୟ ବାଗାଡ୍ ନାରୁଡ଼ତଡ୍ ନିନ୍ଦ୍ ମାଡ଼ାନଙ୍କ ପାରଖଡ୍ ।

^୬ ଆଦେ ରକମ୍ ପେକାଲଡ଼କିଂଙ୍କ ସାରରେ ବିଷୟତାଗ୍ ସାୟେ ବୁଦ୍ ମାନ୍ଦାନଙ୍କ ସାରଦେ ମାଡ଼ାଟ୍ ।

^୭ ମିଡ୍ ନିଜେ ନିଜେତ୍ ବ୍ୟବହାର ତଡ୍ ସାୟେତ୍ ପାଡ଼ୟି ତଅମୁର୍, ଶିକ୍ଷାତାଗ୍ ନିଜାତାଦ୍ ନୁ ଲୋପେଡ୍ ଇଛା ନୁ ଲେକାମ୍ ବାକ୍ୟ କେଲ୍ମୁର୍ ।

^୮ ବେଲାକି ବିରୁଦ୍ ନାରୁଡ଼ମାନ୍ ବିଷୟତେ ବାଡ଼ମିକା କାରାପ୍ ଗଟି କେତାନଙ୍କ ପାରଖେ କନ୍ଦ୍ ସିଗ୍ ଆଦତଡ୍ ।

^୯ ଦାସଡ୍, ତାମ୍ ମାଲିକ୍ ତଡ୍, ଲେକାମ୍ ମାନ୍ତଡ୍, ସାରରେ ବିଷୟତାଗ୍ ଅଡ୍, ଶାନ୍ତି ଆୟିଡ୍, ମାଲିକିଡ୍, ତଡ୍, ଗଲକ୍ ଆୟିମାକିଡ୍ ।

^{୧୦} ଅଡ୍, ବିରୁଦ୍ ମାଡ଼ମାକିଡ୍, ଡଙ୍ଗାଲଡ୍, ଆୟିୟକଟ୍ ବିଶ୍ୱାସିଡ୍, ଆୟିଡ୍, ବେଲାକି ଅଡ୍, ସାରରେ ସାୟେତ୍ ବିଷୟତାଗ୍ ମାନ୍ ମୁକ୍ତିଦାତାଲ୍ ଇଶ୍ୱରତେ ଶିକ୍ଷାତାଗ୍ ନେଡେମ୍ ଲେକାମ୍ ଆୟିଡ୍ ।

^{୧୧} ବାତେଙ୍କ ଇଡକେ ସାରରେ ନାରୁଡ଼ାଦ୍ ମୁକ୍ତି ସେଙ୍ଗେ ଇଶ୍ୱରତେ ଅନୁଗ୍ରହ ଆସ୍ ମିନେ,

୧୨ ମେଣ୍ଡେ, ମାମ୍ମେ ବେଲା ଅଦରମ ନୁ ସଂସାର ଆଗେ ଡିଡ଼ସି
ଇଦ୍ ଇଞ୍ଜେଡ଼ ଯୁଗ୍ମତେ ଆମ୍ ସଂଯମ, ଦାମ୍ମାମ୍ ନୁ ଇଶ୍ବର ପରାୟଣ
ଲେକାମ୍ ଜିଝୁଣ୍ଡ ବାଦକିକାଡ଼,

୧୩ ମହାନ ଇଶ୍ବର ନୁ ମାନ ମୁକ୍ତିଦାତାଲ୍ କ୍ରିଷ୍ଣ ଜିସୁନ୍ ଗୌରବ୍
ଆଦାନ ସେଙ୍ଗେ ପ୍ରକାଶ୍ ଆଦାନଲ୍ ଆଦୁଡ଼ତେ, ଆଦ୍ ଦିନେତାଦ୍
କେପି ମାମ୍ମେ ମିନ୍ଦେମ୍ ।

୧୪ ✧ଆଦ୍ କ୍ରିଷ୍ଣ ଜିସୁ ମାନାଡ଼୍ ସାର୍ବେତତ୍ବକିଂଲ୍ ଆଦାନ କନ୍ୟ
ମୁକ୍ତି ମାଡାନଲ୍ ନୁ ନିଜେଡ଼ ନିଜେଡ଼ ସାୟେଡ଼ ପାଡ଼୍ଯିତାଗ୍ ସାର୍ବଦେ
ମାଡ଼ି ନିଜେଡ଼ ନାରୁଡ଼୍ ଲେକାମ୍ ସାୟେ ମାଡାନ ସେଙ୍ଗେ ନିଜେଡ଼
ଜିଝୁଣ୍ଡ ଇଡ଼ତନ୍ ।

୧୫ ଇଝୁ ସାର୍ବରେ ଗଟି କେସ୍ ସାରେ କ୍ଷମତାତତ୍ବ ସାର୍ବଦେ ଇମୁଟ୍
ନୁ ବିଶ୍ବାସି ମାଡାର୍ । ବେନ ମିକିଂଲ୍ ତୁଚ୍ଛ ମାଡ଼ମାକିଣ୍ଡ ।

୩

କ୍ରିଷ୍ଟାୟାନ ବ୍ୟବହାର

୧ ଶାସନ କର୍ତ୍ତାଲ୍ ନୁ ଦାୟିତ୍ବବାନ ନାରୁଡ଼କିଂଲ୍ ମାନେମ୍
ଆଦାନାଦ୍, ମେଣ୍ଡେ ସାର୍ବରେ ରକମ୍ ସାୟେଡ଼ ପାଡ଼୍ଯି ମାଡାନଲ୍
ତିଆର୍ ଆଦାନଲ୍, ତିଆର୍ ଆସ୍ ମାନ୍ଦାନଲ୍ ସବ୍ୟଡ଼କିଂଲ୍ ଏକା
ମାଡ଼ିମୁଟ୍ ।

୨ ବେନଲ୍ ନିନ୍ଦେ ମାଡାନାଦ୍ ଆୟ୍ଯୟ, ବେନ ବିରୁଦ୍ ଆଦାନାଦ୍
ଆୟ୍ଯୟ, ନମ୍ ଆଦାନାଦ୍, ମେଣ୍ଡେ ସାର୍ବରେ ନାରୁଡ଼କିଂଲ୍ ସାର୍ବରେ
ରକମ୍ ନମ୍ ବ୍ୟବହାର ତଅତାନଲ୍ ଅଡ଼କିଂଲ୍ କେତାନାଦ୍ ଇମୁଟ୍ ।

୩ ବାତେଲ୍ ଇଡ଼କେ ମୁନେଲ୍ ମାନାଡ଼୍ ବା ମୁର୍ଜ୍, ବାକ୍ଝା ମେଣ୍ଡେ
ନାର୍ଗେ ରକମ୍ କାରାପ୍ ଚିନ୍ତେ ନୁ ସୁକାମ୍ତେ ଦାସ ମାଡ଼ତମ୍, ଇଂସା
ନୁ ଇର୍ଷାତତ୍ ବାଦକ ମାଡ଼ତମ୍, ମେଣ୍ଡେ ପାସକାନ୍ ନାରୁଡ଼୍ ଆସ୍
ନିଜେଡ଼ ନିଜେଡ଼ ଲୋପେ ପାସକ ମାଡ଼ତମ୍ ।

୪ ଇଡ଼କେ ବେସୁଟ୍ ମାନ ମୁକ୍ତିଦାତାଲ୍ ଇଶ୍ବର ନିଜେ ଦୟା ନୁ
ନାରୁଡ଼୍ ଜାତି ସେଙ୍ଗେ ପ୍ରେମ ତଅତଣ୍ଡ,

୫ ଆସୁଟେ ଅଣ୍ଟା ମାମ୍ ମାଡ଼ତେ ସାୟେଡ଼ ପାଡ଼ି ସେଙ୍ଗେ ଆୟ୍‌ୟ,
ମାତ୍ର ତାନ୍ ଦୟା ଲେକାମ୍ ମେଣ୍ଡନ୍ ଜନମ୍‌ତେ ସେଙ୍ଗେ ବାପ୍ତିସ୍ମ ନୁ
ପବିତ୍ର ଆମ୍ବାତେ ନେଲେତାଦ୍ ଜିହ୍ୱା ତଡ଼୍ ମାନ୍ ମୁକ୍ତି ମାଡ଼ିମିନ୍ଦେଣ୍ଡ;

୬ ମାନ୍ ବ୍ରାଣକର୍ତ୍ତାଲ୍ ପ୍ରବୁ ଜିସୁ କ୍ରିଷ୍ଟନ୍ ତଡ଼୍ ଇଶ୍ୱର୍ ପବିତ୍ର
ଆମ୍ବାତିଙ୍କ୍ ଦାନ ମାଡ଼ତଣ୍ଡ ।

୭ ବେଲାକି ମାନାଡ଼୍ ଅନ୍ ଅନୁଗ୍ରହତେ ଦାର୍ମାମ୍ ଆସ୍ ଆଦେ
ଲେକାମ୍‌ତେ ତେରୁଝାଦ୍ ଜିହ୍ୱା ପାଏମ୍ ଆଦତମ୍ ।

୮ ଇଦ୍ ଝେରଡ଼୍ ନିଜାମ୍ ଗର୍, ମେଣ୍ଡେ ବେଲା ଇଶ୍ୱରତିଙ୍କ୍ ବିଶ୍ୱାସ୍
ମାଡ଼ାନଡ଼ି ସାର୍ବେତଡ଼୍ ସାୟେଡ଼ ପାଡ଼ି ମାଡ଼ାନଙ୍କ୍ ମାନ୍ ମାଡ଼ିତଡ଼୍,
ଇଦିନ୍ ସେଙ୍ଗେ ଇଦ୍ ସାର୍ରେ ବିଷୟତେ ଗାଡ଼ସ୍ ଆସ୍ ଶିକ୍ଷା ଇମ୍ବୁର୍
ଇଞ୍ଜି ନାୟାଦ୍ ଇଚ୍ଛା । ଇଦ୍ ସାର୍ରେ ନାରୁଡ଼ିକ୍ ପାଡ଼ିୟିଦାଗ୍
ଆଦତେ ।

୯ ଇଡ଼କେ ଗଲ୍‌କ୍, ବଂଶତଡ଼୍ ବିରୁଦି ନୁ ନିୟମ୍ ବିଷୟତେ ଯୁଦ୍
ଆଡ଼କେ, ବାତେଙ୍କ୍ ଇଡ଼କେ ଆସ୍ତ୍ର ସାର୍ରେ କ୍ଷତିଆଦତେ ନୁ ବାଡ଼୍
ମୂଲ୍ୟ ଆୟ୍‌ୟ ।

୧୦ ବେନ ଗଲ୍‌କ୍ ମାଡ଼ିତନ୍, ଅଂକିଙ୍କ୍ ଇଲୁକ୍ ଅଣ୍ଟାୟାମ୍, ବା
ରେଣ୍ଡାମ୍ କେଡ଼ତେ ପେରକେ ଅନାଗାଙ୍କ୍ ଝେରେ ମାନୁର୍;

୧୧ ଇଦ୍ ରକମ୍ ନାରୁଡ଼୍ ହାର୍ ବୁଲ୍‌କା ଆଡ଼ତଣ୍ଡ ନୁ ପାପ୍ ମାଡ଼ି
ନିଜେତିଙ୍କ୍ ନିଜେ ଦକ୍ଷି ମାଡ଼ିତନ୍, ଇଦ୍ ତ ମିଡ଼୍ ପୁଡ଼ିତଡ଼୍ ।

ମାଡ଼େଙ୍କ୍‌ତେ ଗଟି

୧୨ ☆ବେସୁର୍ ନାନ୍ ମିଇ ବକେଡ଼ ଆର୍ଡେମା ଇଲୁକ୍ ତୁକିକଙ୍କ୍
ରଞ୍ଜିତାନ୍, ଆସୁଟେ ନୀକପଲ୍ଲିତାଗ୍ ନା ବକେଡ଼ ଝାଦାନ୍ ସେଙ୍ଗେ
ତିୟାର ଆୟ୍‌ମୁର୍, ବାତେଙ୍କ୍ ଇଡ଼କେ ଆଗେ ଶାଲ୍ କାଲାମ୍ ମାୟାନଙ୍କ୍
ନାନ୍ ମାନ୍ ମାଡ଼ିତାନ୍ ।

୧୩ ☆ଓକିଲ୍ ଜୀନା ନୁ ଅପୋଲୋତିଙ୍କ୍ ସାୟେହାର୍ ତଅସିମୁର୍,
ବେଲାକି ଅଡ଼ିକିଙ୍କ୍ ବାଡ଼ ବା ଅବାଦ୍ ଆୟ୍‌ୟ ।

☆ ୩:୧୨ ପ୍ରେରିତ ୨୦:୪; ଏଫିସିୟ ୬:୨୧,୨୨; କଲସାୟ ୪:୭,୮; ୨ ତୀମତି ୪:୧୨.

☆ ୩:୧୩ ପ୍ରେରିତ ୧୮:୨୪; ୧ କରନ୍ଥୟ ୧୭:୧୨.

୧୪ ମାନ ନାରୁଡ଼, ଗାଲା ଦରକାର ସେଙ୍ଗେଡ଼ ଉପକାର ମାୟଦିଙ୍କ
ସାୟେଡ଼ ପାଡ଼ି ମାଡ଼ାନଙ୍କ ନାଡ଼ସିଡ଼, ବେଲାକି ଅଡ଼, ମୁଲ୍ୟହିନ୍
ଆୟମାକିଡ଼ ।

୧୫ ନା ତଡ଼ ମାୟାନ ସାରେତଡ଼ ମିକିଙ୍କ ନମସ୍ତାର କେଞ୍ଜସ୍ତୁଡ଼ ।
ବିଶ୍ୱାସତେ ମାୟଦିଙ୍କ ବେନଡ଼, ମାକିଙ୍କ ପ୍ରେମ ମାଡ଼ିତଡ଼, ଅଡ଼କିଙ୍କ
ନମସ୍ତାର କେଞ୍ଜସ୍ତାର । ମିଡ଼ ସାରେତଡ଼କିଙ୍କ ଅନୁଗ୍ରହ ଆୟ ।

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae